

卷六十六

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷六十六
 內容分類 集-總集-各代-唐
 索書號 集部-總集-35
 編號 D7841100

[彩色首頁1](#)

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暈皎月澄輕素
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編

失意成逋客終年獨掩扉志機狎鷗慣多病見人稀
流水知行樂孤雲伴采薇空齋莫還坐心事與時違

邠州留別

終歲山川路生涯揜若何艱難為客慣貧賤受恩多
暮角飄長韵寒流起夕波懸愁茂陵宅春色又相過

沙上鴈

衡陽多道里弱羽覆哀音還塞知何日驚絃亂此心
夜陰前侶遠秋冷後湖深獨立沙汀意寧知霜霰侵

唐詩品彙六十五卷

唐詩品彙六十六卷

接武中之

李嘉祐按高仲武云嘉祐中興高流與錢即別
為一體往往涉于齊梁綺靡婉麗吳均

何遜之
敬也

和張舍人中書寓直

漢主留才子春城直紫微對蒼閭闔靜過竹吏人稀
裁詔催添燭將朝欲更衣玉堂宜歲久且莫厭形闕

和都官苗員外秋夜寓直對雨簡諸知己

多雨南宮夜仙郎寓直時漏長丹鳳闕秋冷白雲司
螢影侵堦亂鴻聲出苑遲蕭條人吏散小謝有新詩

留別毗陵諸公

久作洛陽令丹墀忽再還淒涼辭澤國離亂到鄉山
北固灘聲滿南徐草色閑知心從此別相憶鬢毛斑
送常邕少府歸鐘山

祈門官罷後負笈向桃源萬卷長開帙千峰不閉門
綠楊垂野渡黃鳥傍山村念尔能高枕丹墀會一論
送岳州司馬第之任

岳陽天水外念尔一帆過野墅人烟迥山城鴈影多
有時巫峽色終日洞庭波丞相今為郡應無勞者歌
送上官侍御赴黔中

莫向黔中路令人到欲迷水聲巫峽裏山色夜郎西
樹隔朝雲合猿窺曉月啼南方饒翠羽知尔飲清溪
至七里灘作

遷客投于越臨江淚滿衣獨隨流水去轉覺故人稀
萬木迎秋序千峰駐晚暉行舟猶未已惆悵暮潮歸
仲夏江陰官舍寄裴明府

萬室邊江次孤城對海安朝霞晴作雨濕氣晚生寒
苔色侵衣桁潮痕上井欄題詩招茂宰思尔欲辭官
奉陪常潤州過鶴林寺

野寺江城近雙旌五馬過禪心超忍辱梵語問多羅
松竹閑僧老雲烟晚日和寒塘歸路轉清磬隔微波

嚴維九首

酬劉負外見寄

蘇耽佐郡時。近出白雲司。樂補清羸疾。窓吟絕妙詞。
柳塘春水漫。花塢夕陽遲。歐陽詩話云天容時態融和駘蕩如在目前 識懷君意。明朝訪檄師。

酬王侍御西陵渡見寄

前年萬里別。昨日一封書。郢曲西陵渡。秦官使者車。
柳塘薰晝日。花水溢春渠。若不嫌鷄黍。先令掃弊廬。
酬普選二上人期相會見寄

本意宿東林。因聽子賤琴。遙知大小朗。已斷去來心。
夜靜溪聲近。庭寒月色深。寧知塵外意。定後更成吟。
送少微上人東南遊

舊遊多不見師在翟公門瘴海空山熱雷州白日昏
片心應為法。萬里獨無人。盡酌恩去。平生未感恩。
宿法華寺

一夕雨沉沉。哀猿萬木吟。陰天龍護法。長老蜜看心。
魚梵空山靜。紗灯古殿深。無生久已學。白髮浪相侵。
同韓負外宿雲門寺

小嶺路雖近。仙郎此夕過。潭空觀月定。澗靜見雲多。
竹翠烟深色。松聲雨點和。萬緣俱不有。對境自垂蘿。
奉和皇甫大夫夏日遊華嚴寺時大夫昆季同行

初地華嚴會。王家少長行。到宮龍節駐。禮塔鴈行成。
蓮界千峰靜。梅天一雨清。禪庭未可戀。聖主寄蒼生。
九日陪崔郎中北山燕

上客南臺至重陽此會文菊芳寒露洗杯翠夕陽曛
務簡人同醉溪閑鳥自群府中官最小唯有孟參軍

荆溪館呈丘義興

失路荆溪上依仁忽暝投長橋今夜月陽羨古時州
野燒明山郭寒更出縣樓先生能館我無事五湖遊

秦系

山中贈張正則評事

終年常避喧師事五千言流水閑過院春風與閉門

若溪云閑山容邀上客桂實落華軒莫強教余起微

遠有來官不足論

吳華

白雲溪

山逕入脩篁深林蔽日光夏雲生嶂遠瀑水引溪長
秀跡逢皆勝清芬坐轉涼看玉樽夕歸路賞前忘

衛葉

晚投南村

客行逢日暮原野散秋暉南陌人初斷西林鳥盡歸
暗逢沙上轉寒葉月中飛村路無多在聲聲近禱衣

崔子向

送惟詳律師自越歸義興

陽羨諸峰頂何曾異剡山雨晴秋到寺木落夜開關
縫衲紗灯亮看心杖錫閑西方知有社未得與師還

劉方平

四首

銅雀妓

遺令奉君王，頻蛾強一粧。
歲移陵樹色，恩在舞衣香。
玉座生秋氣，銅臺下夕陽。
淚痕沾井幹，歌袖為誰長。

梅花落

新歲芳梅樹，繁花四面同。
春風吹漸落，一夜幾枝空。
少婦今如此，長城恨不窮。
莫將遼海雪，來比後庭中。

淮上秋夜

旅夢何時盡，征途望每賒。
晚秋淮水上，新月楚人家。
猿嘯空山近，鴻飛極浦斜。
明朝南岸去，定折桂枝花。

秋夜泛舟

林塘夜泛舟，虫響秋風颭。
萬影皆因月，千聲各為秋。
歲華空復晚，鄉思不堪愁。
西北浮雲外，伊川何處流。

竇叔向

四首

春日早朝應制

紫殿俯千官，春松應合懽。
御爐香歛煖，馳道玉聲寒。
乳燕翻珠綴，祥鳥集露盤。
宮花一萬樹，不敢舉頭看。

秋砧送包大夫

斷續長門夜，清冷逆旅秋。
征夫應待信，寒女不勝愁。
帶月飛城上，因風散陌頭。
離居偏入聽，况復送行舟。

過擔石湖

曉發魚門戍，晴看擔石湖。
日啣高浪出，天入四空無。

咫尺分洲島纖毫辨舳舻眇然從此去誰念客帆孤

真懿皇后挽歌

後庭攀畫柳上陌咽清笳命婦羞蘋葉都人插柰花
壽宮星月異仙路往來賒縱有迎神術終悲隔絳紗

洪容齋四筆云竇氏連珠序云五竇之父叔向當
代宗朝善五言詩名冠流輩時屬貞懿皇后山陵
上注意哀挽叔向即時進三章內攷言出傳諸人
口有命婦羞蘋葉都人插柰花禁兵環素帟宮女
笑寒雲之句可謂佳倡而畧無一存者余嘗得故
吳良嗣家所抄唐詩僅有叔向六篇皆奇作念其
不傳悉錄之即此三篇并哀挽二首
及夏夜表只宅話舊七言律者是也

韓翃十二首

高仲武云韓詩正意近於史與致繁富一
篇一詠朝士珎之其比興深於劉負外筋
力盛於皇
甫時也

訓程近秋夜即事見贈

長簾迎風早空城澹月華星河秋一鴈砧杵夜千家
節候看應晚心期卧已賒向來吟秀句不覺已鳴鴉

送元詵還江東

過江秋色在詩興與歸心客路隨楓岸人家掃橘林
潮聲當畫起山翠近南深幾日華陽洞寒花引獨尋

送壽州陳錄事

壽陽南渡口歛笏見諸侯片雨楚雲暮千家淮水秋
開簾對芳草送客上春洲請問山中桂王孫幾度遊

送崔遇歸淄青幙府

平陵車馬客海上見旌旗舊驛千山下殘花一路時

春衣過水冷暮雨出閨逢莫道青州客迢迢在夢思
題蘇許公林亭

平津東閣在別是竹林期萬葉秋聲裏千山落照時
門隨深巷靜窓過遠鍾聲客舍苔生處依依又賦詩
題慈恩寺振上人房

披衣聞客至閑鎖此時開鳴磬夕陽盡捲簾秋色未
名香連竹迳清梵出花臺身在心無住他鄉到幾回

題薦福寺衡陽岳師房

春城乞食還高論此中閑僧臘塔前樹禪心江上山
疎簾看雪捲深戶映花關晚送門人去鍾聲杳霽間
華州夜宴庾侍御宅

世故他年別心期此夜同千峰孤竹外片雨一更中
酒客逢山簡詩人得謝公自憐驅死馬拂曙向關東
送趙六司兵歸使幕

客路青蕪遍開城白日低身趨雙節近名共五齊
遠水公田上春山郡舍西無因得攜手東望悵悽悽
送李秀才歸江南

過淮芳草歇千里又東歸野水吳山出家林越鳥飛
荷香隨去棹梅雨濕行衣無數滄江客如君達者稀
送客遊江南

南使孤帆遠東風任意吹楚雲殊不斷江鳥暫相隨
月淨鴛鴦水春生葦葦枝賞稱佳麗地君去莫應遲

送故人歸魯

魯客多歸興，居人悵別情。雨餘衫袖冷，風急馬蹄輕。
秋草靈光殿，寒雲曲阜城。知君拜親後，少婦下機迎。

蔣煥

和徐侍郎中書叢篠韻

中禁夕沉沉，幽篁別作林。色連鷄樹近，影落鳳池深。
為重凌霜節，能虛應物心。年年承雨露，長對紫庭陰。

奚賈

尋許山人亭子

桃源若遠近，漁子棹輕舟。川路行難盡，人家到漸幽。
山禽拂席起，溪水入庭流。君是何年隱，如今成白頭。

朱放

經故賀賓客鏡湖道士觀

已得歸鄉里，逍遙一外臣。那隨逝水去，不待鏡湖春。
雪裏登山屐，林間漉酒巾。空留道士觀，誰是學仙人。

崔峒 七首

高仲武云：崔拾遺文彩炳然，意恐方雅如清磬度山翠，閑雲來竹房。又流水聲中視公事，寒山影裏見人家。斯亦披沙鍊金，往往見寶。

題崇福寺禪師院

僧家竟何事，掃地與焚香。清磬度山翠，閑雲來竹房。
身心塵外遠，歲月坐中忘。向晚禪堂掩，無人空夕陽。

送真上人歸山

得道雲林下年深暫一歸出山逢世亂乞食覺人稀
半偈初傳法中峰又掩扉愛離應不染塵俗自依依

送陸明府之盱眙

陶令之官去離愁慘別雲白烟連海戍紅葉近淮村
遠浪搖山郭平蕪到縣門政平堪吏隱免負府公恩
送薛良友往越州謁從叔

薛家日已久與子分仍深易得思鄉淚難為送別心

孤雲隨浦口幾日到山陰遙想蘭亭下清風滿竹林

潤州送師弟自江夏往台州

遠客乘流去孤帆向夜開春風江上使前日漢陽來
別路猶千里離心重一杯剡溪木未落羨尔過天台

登潤州芙蓉樓

上古人何在東流水不歸往來潮有信朝暮事成非
烟樹臨沙靜雲帆入海稀郡樓多逸興良牧謝玄暉

揚州選蒙相公賞判雪後呈上

自得山公許休耕海上山漸看長史傳欲棄釣魚船
窮巷殷憂日蕪城雨雪天此時瞻相府心事比旌懸

李泌

禁中送住山人

子去非長遠君恩取大還補天留采石縮地入青山
獻壽千秋外來朝數月間莫拋殘藥物竊欲駐童顏

包何二首

和苗員外寓直中書

朝列稱多士君家有二難貞為臺裏栢芳作省中蘭
夜直分曹問晨趨接武歡每怜雙闌下鴈序入鴛鴦

江上田家

近海川原薄人家本自稀黍苗期臘酒霜葉是寒衣
市井誰相識漁樵夜始歸不須騎馬問恐畏狎鷗飛

包佶 二首

發襄陽後却寄公安人

揮涕送迎人將書報所親晚年多病疾中路有風塵
王粲頻徵楚君恩許入秦還同星火去馬上別江春

雙山逢信公所居

遇禮前朝塔微聞後夜鍾人間第四禪雲裏一雙峰
積雪封苔逕多年亞石松傳心不傳法誰可繼高踪

張繼 四首

高仲武云員外累代詞伯積習弓裘其抄
為文不雕自飾及尔登第秀發當時詩体
清迥有道者風

初出徽安門

洛陽天子縣金谷石家鄉草色侵官道花枝出死墻
書成休逐客賦罷遂為郎貧賤非吾事西遊當自強

曉次淮陽

微涼風葉下楚俗轉清閑候館臨秋水郊扉掩暮山
月明潮漸滿露濕鴈初還浮客了無定萍流淮海間

會稽秋晚奉呈于太守

寂寂訟庭幽森森戟戶秋山光隱危堞湖色上高樓
禹穴探書罷天台作賦遊浮雲將越客歲晚共淹留
春夜皇甫冉宅對酒

流落時相見悲歡共此情興因樽酒洽愁為故人輕
亂影花侵席斜暉月過城那知橫吹笛江外作邊聲

杜甫

高仲武云杜君詩調不失如流水生涯盡
浮雲世事空得生人始終之理故編之

哭長孫侍御

道為詩書重名因賦頌雄禮闈曾擢桂憲府舊乘駟
流水生涯盡浮雲世事空唯餘舊堂栢蕭瑟九原中

于良史 三首

高仲武云侍御詩清雅工於形似如風兼
殘雪起河帶斷水流吟之未終皎然在目

冬日野望

地際朝陽滿天邊宿霧收風兼殘雪起河帶斷水流
北闕馳心極南圖尚旅遊登臨思不已何處可銷憂
宿藍田山口奉寄沈員外

山暝飛群鳥川長泛四隣烟歸河畔草月照渡頭人
朋友懷東道鄉關恋北辰去留無所適岐路獨迷津

閑居寄薛華

隱机讀黃老閑居耳目清僻居人事少多病道心生
雨洗山木濕鴉鳴池館晴晚來因廢卷行樂至西城



張南史

六首

富陽南樓望浙江風起

南樓渚風起樹杪見滄波稍覺征帆上蕭蕭暮雨多
沙洲殊未極雲水更相和欲問任公子垂綸意若何
宣城雪後還望郡中寄孟侍御

臘後年華變閑西驛騎遙塞鴻連暮雪江柳動寒條
山水還鄣郡圖書入漢朝高樓非別處故使百憂消

送朱文北遊

歲暮欲為別江湖聊自寬且無人事戀誰謂客行難
郢曲怜公子吳州憶伯鸞蒼蒼遠山際松柏獨宜寒
送司空十四遊宋州

九拒危城下蕭條送尔歸寒風聞畫角暮雪犯征衣
道里猶成間親朋重與違白雲愁欲斷看入大梁飛

奉酬李舍人秋日寓直見寄

秋日金華直遙知玉珮清九重門更肅五色詔初成
槐落宮中影鴻高苑外聲翻從魏闕下江海寄幽情
同韓侍御秋朝使院

重門啓曙關一葉報秋還露井桐柯濕風庭鶴翅閑
忘情簪白筆假夢入青山惆悵祗應此難裁語默間

姚係

二首

古別離

涼風已嫋嫋露重木蘭枝獨上高樓望行人遠不知

八口唐詩六卷
十一
輕寒入洞戶明月滿秋池燕去鴻方至年年是別離
野居池上有月

悠然雲間月復此照池塘
泫露蒼茫濕沉波澹艷光
應門當未曙歌吹滿昭陽
遠近徒傷目清輝靄自長
碩况

洛陽早春

何地避春愁終年憶舊遊
一家千里外百舌五更頭
客路偏逢雨鄉山不入樓
故園桃李月伊水向東流
章八元

寄都官劉負外

舊宅平津邸槐陰接漢宮
鳴騶馳道上寒日直廬中

白雪歌偏麗青雲官早通
悠然一縫掖千里限清風

鄭常 三首

寄邢逸人

羨君無外事日與世情違
地僻人難到溪深鳥自飛
儒衣荷葉老野飯藥苗肥
若問湖邊意而今憶共歸

高仲武云有
丘園之趣

送頭陀赴廬山寺

僧家無住着早晚出東林
得道非真相頭陀是苦心
持齋山果熟倚錫野雲深
溪寺誰相待香茗與梵音
謫居漢陽白沙口阻雨因題驛亭

漢陽無遠近見說過湓城雲
雨經春客江山幾日程

終隨鷗鳥去，祇待海潮生。前路逢漁父，多愁問姓名。

唐詩品彙六十六卷

唐詩品彙六十七卷

接武下

戎昱 六首

採蓮曲

雖聽採蓮曲，詎識採蓮心。漾楫愛花遠，回船愁浪深。
烟生極浦色，日落半江陰。同侶怜波靜，看粧墮玉簪。

雲夢故城秋望

故國遺墟在，登臨想舊遊。一朝人事變，千載水空流。
夢渚鴻聲晚，荆門樹色秋。片雲凝不散，遙想望鄉愁。

桂州臘夜

坐到三更盡，歸仍萬里賒。雪聲偏傍竹，寒夢不離家。

